



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Friderici Forneri Theologiae Doctoris Canonici Ecclesiae  
Collegiatæ diui Stephani Bambergæ, De Temulentia  
Malo, Eiusque Remediis, Variis Item Scitv Ivcvndissimis,  
nec non vtilissimis de rebus, quæ in ...**

**Förner, Friedrich**

**Ingolstadii, 1603**

Cap. XXIII. Temulentia quàmplurimos interfecit.

**urn:nbn:de:hbz:466:1-45433**

fuisse ac vetitus, multa sanè præcaueri mala atque homicidia impediri potuissent. Accipite itaq; & serum habetote, quod Horatius facundè suadet.

*Natis in usum latitiæ scyphis,  
Pugnare, Thracum est; tollite barbarum  
Morem, verecundumq; Bacchum,  
Sanguincis prohibete rixis.*

*Horat. lib.  
2. car. Odes  
17.*

CAPVT XXIII.

*Temulentia quamplurimos interfecit.*

**N**on acquiescit rixis Temulentia; vulneribus non est contenta; membrorum mutilatione non exaturatur; hic necdū subsistit conat<sup>9</sup> eius. Virā petit & sanguinē. Quot. n. à temulentis occisi? quot immatura nece è medio sublati? paucis id liquidū fiet exemplis. primū à sacra Scriptura subministratis, tū deinde, vt plurimū à pphana lectione mutuatis.

*Quamplu-  
res temu-  
lenti inter-  
fecti: pri-  
mū è sacræ  
literæ pro-  
batur.*

*1. Reg. 17.  
Iudith. 13*

*1. Marc. 13*

*Serm. 23<sup>ra</sup>  
de Tempore  
re qui est.*

*1. de Ebriet.  
Macth. 14  
Marc. 6.*

*Ad sacræ  
virgin.*

Amnon filius Dauid, in conuiuio temulentus, ab Absalone circūuenitur, & immani parricidio enecat. Holofernes cū Iudith viduam ad conuiuium inuitasset, eiusq; ad nefandā sollicitandæ causæ, plus vini hausisset solito, ab ipsa virili atq; heroico ausu, in tenitorio suo, vino somnoq; sepultus, trucidatur. Simon sacerdos, vnā cum filiis duobus, à Ptolemæo Abobi filio, lautissimis exceptus epulis, cū largius bibisset, ex insidiis opprimitur. Herodes, vt D. Augustini verbis loquar, *vbi nimio mero concaluit, ad vnius puella saltatiunculā, Ioannē Baptistam Præcurso-rem de Tempore decollari præcepit.* atq; ita certū indubitātūq; redditur, quod idē S. pater alio loco scriptum reliquit. *As- sumit inter pocula Ebrietas iniusta certamina, & nullis existentibus causis, asperā excitat rixam, & inde cōsur- gentē nō rarò necē; quia interponendo verba vana, alio- rū sana dicta nō patitur audire, sed in cōtumeliā erigitur conuiuari, & proximorū crimina,*

F 2 Cla

*Prophanis  
idem do-  
cetur ex  
plis Guido  
Bituric. &  
Rauis. in  
Offic.*

Claretid quoq; è facto Lapitharum & Centau-  
rorum. hi enim in nuptiis Hippodamiæ & Pyri-  
thoi post epulas, mero calidi, plus nimio, primùm in  
rixas, tùm in pugnas prouèrè; aded quidem, vt po-  
cula & menfas in telorum vsum conuerterint, mu-  
tuisq; vulneribus, exanimati complures, occubue-  
runt letho. quo de funesto certamine Flaccus poëta;

*Crateres mensèq; volant, araq; Deorum.*

*Virg. 3. Æ-  
neid. & Ho-  
mer. Odyss.  
lib. 9.*

Polyphemus Cyclops, hauſto vberius mero, dum  
profundissimum dormiret somnum, excæcatus est  
ab Vlyſſe, qui ei vnicum, què habebat in frôte oculū

*-- Phœbeæ lampadis instar,*

*De virtu-  
tib. mulier.  
cap. 3.*

effodit; parumq; absuit, quin vita quoq; priuaretur.  
Hippoclus Rex autore Plutarcho, cùm vinolentus,  
sponsam Chiorū adolescentis, sibi familiarissimi, in-  
decorè amplecteretur, & cū ea immoderatus iude-  
ret, ab ipso spōso obruncatus, interiit. Ibidè refert  
Plutarchus, vbi hoc recensuit, Hippollū vino simili-  
ter obrutū, cuiusdā iuuenis sponsā, verbis impudi-  
cissimè prolatis, tentasse ad libidinē prouocare, su-  
peradditis quoq; obscænis, tùm nutib. tùm ample-  
xibus; q; videntes ii qui sponsi causa præstò erant, in  
eū inuolarūt, vnoq; impetu, è viuis iracundè sustu-  
lerūt. Et Luciū quendā præſidiarium militem, vino  
copiosè madentē, Miccam Phidoleni cuiusdā filiā,  
violare atq; opprimere orsum, eodè loco memorat  
Plutarchus: sed cū ea summo conatu, voce manuq;  
reniteretur sceleri, in gremio patris ad quod confu-  
gerat, eā nefarius aggressor, pugione traiecit. Et ali-  
bi de Cyanippo Syracusanorū tyranno scribit, haud  
absimile scelus. Is. n. ebrius, filiā suam. fædo incestu,  
de nocte constuprauit, quod cum illa, cui vim attu-  
lerat, ex annulo, quem patri detraxerat, manè cog-  
nouisset, eum protinus interfecit.

*Plutar. in  
Apothet.  
Rauis. in  
Officina,*

Im-

Immanissimum eiusdem generis factū est, quod de Cambyse Persarum Rege legitur. Ebrietati deditissimum fuisse, peruulgatum ac notū passim. quā obrem, cū à Prexaspe consiliario suo corripere-  
 tur, grauiter indignissimēq; tulit, & vt suā excusaret bibacitatē, iussit Prexaspis filiū adduci, atq; ad palū ligari, sic ad parentē pueri fatus. *Tum demum proba, si sim ebrius, cū collimato hoc spiculo cor filii tui tetigero.* exoneratā itaq; sagittā, in pueri praeordia cōtorfit, & è uiuis cū facinorosa crudelitate sustulit. In variā demū ac per multa scelera, hunc ipsum Regē temulencia traxit: Nā & fratris parricidio, manus conscēlerauit, & vterinā sororē per vim vxorē duxit, quā & postea quoq; madidus interemit. Cū .n. quadā die in conuiuio effusissimē perpotasset, in mentē incidit, spectaculorū iucunditate animū relaxare. habebatur in aula leo iuuenulus, & canis eodē aetatis flexu, generosissimus, q ad mutua vulnera, clamoris cōcertatione, prouocabantur. Cū autē leo cani praeualeret, alius canis cū illo, nō vno fātū quidē, sed eadē matre editus, rupto loro quo ligabatur, accurrit, fratri opē praestitit, atq; ita iunctis viribus, leonē vulneribus confecerunt. quo spectaculo Rex mirificē delectabatur; Regina verò ad fletū, vehemētissimē permouebatur. aegrē id ferebat Cambyles, causamque percūctabatur tāti fletus: cui Regina soror imperterritē respōdebat: *Ista canis fratrem adiuuatis fidelitas fratris nostri quē tu nuper interfecisti, eadem mihi reuocauit ad mēre ac memoriā: fraterno te amore à brutū victū doleo.* indignatus itaq; Rex, illicò eam ab Epulis, satellitum manibus abripi, & simili parricidio maectari iussit. Nec diu temulentā eā crudelitatē inultā tulit: nā paulò post ex Aegypto domū reduci, cū equo insilire vellet, suomet, ob lubricitatē è vagina

Ioan. Carion. in Chronico. Monarch. 2. Historia de Cambyse memorabilis.

excidente gladio, sibi latus transfuerberauit, atq; ita funesto exitu ad inferos demigrauit.

Serm. 33. ad  
fratres in  
Eremo.  
Cyrilli te-  
mulenti  
iuuenis par-  
ricidium,  
& incestus  
& multiplex.

Non minor feritas atq; atrocitas, eo contenta est exemplo, quod Diui Augustini verbis, ad calcem capitis huius, pro coronide attexto. Nō miremini, inquit concionē ad populū auspicans, Non miremini fratres charissimi, si hodie ter sermonem Deo auxiliante perfecero. Accidit hodie terribilis casus vt omnes audistis, propter quē non solum ad Hipponensem Ecclesiam omnes antiquiores habere volui, sed etiā omnes scēmas & infantēs in vnum congregari praecepi; quibus congregatis cum dolore & anxietate vobis enarrare contendo, tanquā pater in plebe, quod accidit praclarissimo ciui nostro Hipponensi Cyrillo, Ecce .n. vt scitis potens erat inter nos, opere & sermone, & ferē dilectus ab omnibus. filium vt scitis habebat vnicum, & quia vnicus erat, eum superflue diligebat, & super Deum. ideo superfluo amore inebriatus, filium corripere negligebat, dans potestatem faciendi omnia, quae placita erant ei. o dolorosa libertas; o grandis filiorum perditio; o paternus amor mortiferus. Ecce filios se dicunt diligere, quos iugulari procurant, dicunt eos amare, quib. iam suspendia parant, dicunt patres filios se nutrire, sed ecce pater & filius iā ambo in foueā cadunt. Quare pater cum filio cadit in foueā? nisi quia pater caecus est, quia malus est, quia salutē suam & filiorum suorum videtur negligere. Quo & quomodo pater haec neglexerit? nisi quando libertatem filio donauit, quādo eum corripere neglexit, quando virga pepercit, quādo ei semper serenam faciem ostendit. Cupitis audire quomodo pater & filius in foueam cadunt? Licet .n. sciatis, tamen quia necesse est, vt vos quamdiu viuitis id timeatis, ideo quae hodie facta sunt dicere non erubesco. Ecce .n. Cyril-  
lus.

lus vester, filium habebat, ut scitis, quem corrigere negligebat. is luxuriosè viuendo, consumpsit maiorem partem bonorum suorum, sed ecce hodiè ebrietatem perpesus, matrem prænantem, nequiter oppressit, sororem violare voluit, patrem occidit; duas sorores vulnerauit ad mortem. O magna Diaboli dominatio. Patrem quem post Deum reuereri debebat, occidit; matrem à qua portabatur, prænantem oppressit, sorores quas tenerrimè diligebat, voluit violare, & duas vulnerauit ad mortem. O dolorosa ebrietas omnium malorum mater, omnis luxuriæ soror, omnis superbiæ pater. Hæc Augustinus, qui eadem concione, longissima verborum grauissimorum exaggeratione, Temulentiam perstringit.

Huius farinae exempla plura, si non scelere paria, at saltem haud longè inferiora, etiamnum hac tempestate temulentia peperit, quæ cum plerisque nota sint, non est quod hic prolixè describantur.

## CAPVT XXIV.

*Imò & suosmet autores enecat Temulentia.*

**O**Raculum est, propter crapulâ multi obierunt, *Eccl. 37.* certum & indubitatum. Temulentia complures mortem sibi, violētis quasi manibus iniectis, ante fatalem diem consciuere. Credunt quidam & nō temerè multò maiorem esse hominum multitudinem, qui hac potus intemperantia pereant, quàm qui aut gladio, aut morte naturali occumbant.

Hic immoderati vini fructus est, vitâ abbreviare, *Vini calor* lethales morbos excitare, hominē tandē inopinatō interficere: paruos nāq; igniculos, vehemēs ac luculētū absumit incendiū: ita calor à nimio vino feruens, si naturali calori pmisceatur, eū exuret, ac de repente extinguet. nec id mirū: nā materia eius, i. humido radicali, quo calor instar nutrimentī fouet, sum-

*è Temulentia ortus  
extinguit  
hominū  
calorē naturalem.*